



KOMUNIKADO PA PRENSA

Fecha
12-10-2017

Accountmanager Komunikashon
Jhanirha Da Costa Gomez-Anita

Email
jhanirha.anita@gobiernu.cw

CCAA ta duna Insel Air aprobashon pa pone 1 avion MD-80 bèk den operashon.

Willemstad – Minister Zita Jesus-Leito huntu ku Outoridat di Aviashon Sivil di Kòrsou (CCAA) ta informá komunidat ku CCAA a duna Insel Air International BV (Insel) aprobashon pa por pone un avion dje tipo MD-80 bèk den nan operashon di buelo. Ku e akshon aki CCAA a sera un proseso intensivo di sertifikashon dje MD-80 aki.

Sinku luna pasa Insel Air a hasi petishon na CCAA, e Outoridat di Gobièrnu enkargá ku supervishon di avion sivil na Kòrsou, pa por a hinka un avion dje tipo MD-80 bek den nan skema di buelo. Teniendo kuenta ke situashon tékniko i operashonal dje MD-80 ku Insel Air tabata deseá na e momento ei pa hasi buelo nan kuné, CCAA no por a aproba esaki.

Pa por a honrá e petishon di Insel, konforme standardnan internashonal di aviashon, CCAA a kuminsá ku un proseso di sertifikashon dje avion i tambe parti dje operashon di Insel. Esaki a tuma su tempu mirando ku entre otro hopi dokumento (manualnan) mester a wòrdu revisá i tur piloto, personal di kabina, i mekániko mester a bai training pa dje forma aki nan ta kalifiká bèk pa ehersé nan funshon riba e MD-80.

Durante e último dos simannan, diferente buelo di prueba (“Test Flights”) a wòrdu ehekutá ku e MD-80 riba kual inspektornan di CCAA tambe tabata na bordo pa supervisá kon e avion ta funshoná. Durante e tipo di buelo nan aki, a hasi diferente tèst pa demonstrá na e inspektor nan di CCAA ku tur kos ta funshoná konforme reglanan. E inspektornan tabata dokumentá tur kos durante e “Test Flights” nan na moda ku Insel mester a drecha tur loke no tabata funshoná satisfaktorio.

Awe mainta un “crew” (piloto, personal di kabina, ets) kompleto di Insel huntu ku e inspektor nan di CCAA a lanta un buelo ku e MD-80 pa bai ehekutá un asina yama “demonstration flight”. Durante ku e buelo aki a tuma lugá den espasio aéreo mei mei di Karibe, atrobe a hasi diferente tèst kaminda pilotonan i tambe personal di kabina mester a demonstrá ku nan ta kalifiká pa ku diferente senario ku a wòrdu



KOMUNIKADO PA PRENSA

Fecha

12-10-2017

Accountmanager Komunikashon

Jhanirha Da Costa Gomez-Anita

Email

jhanirha.anita@gobiernu.cw

presentá dor dje inspektor nan di CCAA. E buelo aki a pasa Aruba, baha na Bonèiru pa despues regresá Kòrsou bèk.

Despues dje “demonstration flight” aki tur esnan enkargá a akudí na kantor di CCAA na Mahuma. E tim di CCAA a reuní pa despues partisipá na tur esnan presente, inkluso e “management team” di Insel, ku e resultadonan desplegá durante e último buelo aki tabata positivo.

CCAA a suprayá ku e proseso a tuma su tempu mirando diferente desaroyo nan ku tabata presentá. Alabes CCAA a enfatisá ku e proseso sigur tabata unu intensivo pero awor tantu CCAA ku tin ku hasi supervishon i Insel por ta kontentu ku e resultado. Dje forma aki CCAA ta sera e proseso di sertifikashon.